





BATALLA DE DEBUXANTES IMPROVIS DADO

DJ + SPEAKER
INCLUIDOS



DESENVOLVEMENTO DO CONCURSO

OS PARTICIPANTES TERÁN 90 MINUTOS PARA DEMOSTRAR A SÚA HABILIDADE DEBUXANDO, PODENDO ESCOLLER A TEMÁTICA E FERRAMENTA, PERO NON TERÁN A SITUACIÓN BAIXO CONTROL EN NINGÚN MOMENTO XA QUE TODO DEPENDERÁ DO DADO E DO XURADO QUE PROCURARÁ BOICOTEAR O CONCURSO PROPOÑENDO ATA 4 RETOS DIFERENTES!!!

ORGANIZA



Concello do Porriño
Concellería de Cultura

O.M.I.X.
Oficina Municipal de
Información Xuvenil

PRODUCE



BATALLA DE DEBUXANTES “IMPROVISDADO”.

BASES DO CONCURSO:

OBXECTO

Esta iniciativa vai dirixida a debuxantes. Este concurso busca potenciar a expresión artística mediante a creación de espazos que faciliten novas formas de intervención creativa baseadas no debuxo e a pintura, querendo romper cos estándares e “normas non escritas” da arte, na procura da expresión persoal sen cancelas do/a artista. A finalidade principal desta iniciativa é ofrecer un espazo creativo onde pasalo ben, amosar e apoiar o traballo dos/as artistas, favorecendo as relacións e conexións contraculturais das persoas mediante a participación activa na rúa.

DESTINATARIOS/AS

A presente convocatoria vai dirixida a debuxantes con idades comprendidas ente os 12 e os 45 anos, de nacionalidade española ou extranxeira que desenvolvan de xeito profesional ou amateur algunha das seguintes disciplinas artísticas relacionadas coa pintura: ilustración, graffiti, tatuaxe, banda deseñada ou outras técnicas de debuxo de man alzada.

BASES

As presentes bases regularán a competición “Batalla de Debuxantes - IMPROVISDADO”, idea orixinal desenvolvida pola Asociación Vella Escola que terá a súa primeira edición entre os meses de maio e setembro do ano 2020 no Concello do Porriño.

Establecerase unha única categoría de competición, polo que non existirán seccións diferenciadas por idade, sexo ou nivel artístico.

O concurso contempla 2 fases:

Na primeira fase do concurso poderanse presentar 1 ou 2 debuxos por participante ou parella (no caso de competir nesta modalidade). A temática sobre a que versarán os debuxos será libre. Os traballos presentados nesta primeira fase do concurso (fase online) deberán estar realizados en monocromo (branco e negro) gardando relación coa estética do “sketch” (bosquexo), co cal, non se admitirán traballos presentados a cor ou en escala de grises.



Os/as participantes seleccionados para competir na segunda fase, entregarán os seus traballos orixinas á organización do concurso o día da competición presencial (segunda fase). Estes traballos serán devoltos aos participantes una vez finalizado o concurso.

Na **segunda fase do concurso** (fase presencial), os/as 6 participantes seleccionados/as terán **90 minutos para realizar o seu traballo artístico de temática libre (non é preciso desenvolver a mesma obra presentada na primeira fase)** sobre un soporte rixido que se determinará o día do evento por sorteo (paredes/obxectos/mobiliario), tendo a liberdade para utilizar o utensilio de pintura que desexen (rotulador, esprai, pincel, brocha ou rodillo) pero **a técnica reducirase a man alzada**, dispoñendo só de cor negra e non podendo utilizar plantillas, stickers, selos, compás, proxectores nin outras ferramentas diferentes ás enumeradas anteriormente.

Para a realización das obras pictóricas, a entidade organizadora facilitará o soporte (habitación branca con mobiliario), a pintura e utensilios necesarios, sendo estes o **único material admitido**.

Os/as participantes deberán presentarse á convocatoria o día e hora indicados sendo a súa ausencia ou retraso motivo de descalificación.

Os/as participantes non poderán abandonar o equipamento ata que finalice o evento.

O incumprimento destas bases pode implicar a descalificación do concursante, a criterio da organización.

XURADO

Estará integrado por profesionais relacionados co mundo do debuxo:

- Ilustrador/a profesional.
- Artista profesional de Graffiti.
- Debuxante convidado ou participante premiado/a en edicións anteriores para dar proxección aos premiados/as.
- Secretario/a: representante da directiva da Asociación Vella Escola.

O xurado decidirá os traballos seleccionados entre os días 1 e 15 de xullo de 2020 que logo a organización do concurso comunicará aos autores nun prazo máximo de 15 días, convocándoos a participar na **fase presencial que terá lugar o día 19 de setembro de 2020 na Praza Arquitecto Antonio Palacios (Praza do Concello) do Porriño.**

Os/as participantes, polo feito de participar no concurso, aceptan todas e cada unha das bases do mesmo e



renuncian de forma expresa a efectuar impugnación algunha das decisións do xurado.

Tódolos traballos (debuxos e descrición da obra) presentados á primeira fase do concurso e que se adecuen ás bases, expóranse na páxina web do Concello do Porriño e nas redes sociais do concello e nun portal web propio do concurso.

CRITERIOS DE VALORACIÓN

Na primeira fase do concurso o xurado valorará as obras presentadas seguindo principalmente os criterios de **Orixinalidade** e a **Calidade** do debuxo en sí mesmo e escollerá a 6 artistas para que compitan de xeito presencial na fase final do concurso.

Na segunda fase do concurso o xurado valorará a:

- **Orixinalidade** e **Calidade** do debuxo presentado.
- **Dificultade** que supón a realización da obra coa ferramenta utilizada en relación ao soporte intervido artísticamente.
- Capacidade de **Improvisación** dos debuxantes
- **Adecuación** da obra aos retos presentados polo xurado
- **Cumprimento do regulamento** da competición.

Non se valorará máis a utilización dunha ou outra técnica en sí mesmo.

Descalificarase aos participantes que non sigan as normas de convivencia do concurso, que pinten fora do espazo outorgado, que afecten gravemente á obra doutro participante ou que realicen obras que expresen motivos violentos, discriminatorios, machistas ou que atenten contra a liberdade das persoas. Os/as participantes deberán presentarse á convocatoria o día e hora indicados sendo a súa ausencia ou atraso temén un motivo de descalificación. O incumprimento das bases pode implicar a descalificación do concurso, a criterio da organización.

O xurado será flexible na interpretación das obras e terá en conta a liberdade de expresión do/a artista, pero dentro dos límites que como profesionais do debuxo estimen oportuno.

SPEAKER E DJ

O concurso estará dirixido por un presentador (speaker) encargado de convocar aos participantes, comunicar o desenvolvemento da competición en todo momento, e dinamizar o concurso.

Paralelamente ao concurso, desenvolverase unha sesión Dj por parte dun/unha artista convidado/a que aportará o ambiente musical.



PREMIOS

Os/as autores/as ou autor/a do mellor debuxo será premiado cun trofeo orixinal e unha dotación económica de 200€, o segundo premio trofeo máis 150€ e o terceiro premio trofeo máis 100€, sendo estas cantidades premios únicos e indivisibles.

O concurso tamén contemplará o aporte de premios especiais en especias, para os concursantes que con independencia da clasificación obtida no concurso, demostren un talento ou habilidade que destaque sobre o resto (orixinalidade, rapidez, estratexia...).

A entrega dos premios terá lugar o 19 de Setembro de 2020 en O Porriño no espazo previsto para a realización da fase final da competición.

A entrega efectiva dos premios quedará condicionada a que o/a gañador/a cumpra coa totalidade das bases e coa veracidade dos datos aportados na inscrición. O premio é intransferible.

A renuncia ao premio non dará ningún dereito de indemnización ou compensación.

INSCRICIÓN

A inscrición para o concurso “IMPROVISDADO” é de balde.

A participación no concurso será individual ou en parella (consultar).

Os debuxos presentaranse por vía electrónica en formato .jpg ou .pdf cunha resolución igual ou superior a 1200px por 1200px, enviándoos escaneados ao correo info@vellaescola.com e co asunto: “INSCRICIÓN CONCURSO IMPROVISDADO”. O autor/a gardará o debuxo orixinal para ser presentado na fase final en caso de resultar seleccionado.

O prazo de presentación de solicitudes e dos debuxos será do 1 de maio ao 30 de xuño de 2020.

Non se admitirán solicitudes de inscrición fora do prazo indicado. A data de inscrición considerada será a de recepción do correo electrónico.



DOCUMENTACIÓN

REQUERIDA

Tódolos traballos indicarán:

- Nome e apelidos do/a concursante:
- Seudónimo/AKA:
- NIF do/a concursante:
- Data de nacemento:
- Domicilio:
- Teléfono de contacto:
- Correo electrónico:

***Ver anexo: Ficha de inscrición.**

Estos datos utilizaranse a únicos efectos de localizar aos gañadores/as.

Debuxo: Admítense un **máximo de 2 obras por autor/a**. Os debuxos deberán ser orixinais e inéditos, realizados en monocromo (branco e negro), gardando a estética do sketch. Non se admitirán debuxos a cor ou en escala de grises.

Documento anexo no que figurarán os datos da obra presentada:

- Título do debuxo:
- Descrición do debuxo:
- Breve presentación do/a autor/a e traxectoria (opcional):

***Ver anexo: Ficha de inscrición.**

Os debuxos presentados irán acompañados por un portfolio en formato collage, que amose outros traballos destacables realizados polo/a autor/a (non sendo necesario que estes traballos sexan en branco e negro).

Os/as menores de idade presentarán xunto coa documentación anterior, o modelo de autorización que figura ao final deste documento, cumplimentada e asinada polo seu nai/pai/tutor/a legal.

O/a autor/a, polo feito de presentaren os debuxos a concurso, afirma que as obras son orixinais e da súa propiedade, e en consecuencia faise responsable respecto da súa propiedade intelectual e patrimonial por calquera acción por reivindicación, evicción, saneamento ou calquera outra reclamación que ao respecto puideran sobrevir.



CESIÓN DE DEREITOS

As obras realizadas en fase presencial (fase final do concurso) non serán restituídas.

Ao participar no concurso, o/a candidato/a afirma que a súa obra é un traballo orixinal e individual, que o/a participante é o/a único/a propietario/a do traballo e que ningún terceiro é propietario, ten copyright ou marca rexistrada da obra presentada, nin ostenta dereito algún de propiedade industrial ou intelectual sobre a obra presentada.

O/a participante exime de calquera tipo de responsabilidade aos organizadores do concurso ante calquera demanda ou reclamación formulada por parte de terceiros sobre vulneración de dereito algún de propiedade industrial ou intelectual relacionada coa obra presentada.

A participación no concurso implica a cesión á ASOCIACIÓN CULTURAL E DEPORTIVA VELLA ESCOLA dos dereitos de reprodución, distribución e comunicación pública das obras

presentadas, dacordo ao previsto na lexislación sobre Propiedade Intelectual, ben sexa a través da páxina web da ASOCIACIÓN, por correo postal, ou calquera outro medio, todo elo sen ánimo de lucro, e pola duración máxima permitida pola citada lexislación de Propiedade Intelectual.

RESOLUCIÓN

O xurado resolverá calquera incidencia que pudiera producirse. Esta será irrevocable. A entidade organizadora non se fai responsable de calquera perda fortuita que poda producirse, nin da custodia, mantemento e conservación das obras realizadas durante a fase final.

As bases do concurso “IMPROVISADO” están dispoñibles en 2 idiomas; castelán e galego e pódense consultar e descargar na web www.vellaescola.com e na páxina web do Concello do Porriño.



FICHA DE INSCRIPCIÓN (adxuntar co debuxo e portfolio)

Nome Apelidos

Data de nacemento NIF

Teléfono Correo electrónico

Rúa Número Andar Porta

Localidade CP.

Título do debuxo

Descrición da obra

.....

.....

.....

.....

Seudónimo do concursante (nome artístico / AKA)

Breve presentación do autor/a e traxectoria (opcional)

.....

.....

.....

POLÍTICA DE PRIVACIDADE

Aos efectos establecidos na Lei Orgánica de Protección de Datos, informámoslle que os datos recollidos a través do presente formulario serán incorporados a un ficheiro de datos de carácter persoal, denominado "IMPROVISADO", coa finalidade da realización das funcións necesarias para a xestión e tramitación correspondente do concurso "IMPROVISADO", tendo coma únicos destinatarios do mesmo os membros da ASOCIACIÓN VELLA ESCOLA e o Xurado, encargados da xestión do propio concurso e a selección dos finalistas, respectivamente.

Os datos contidos no formulario serán cumplimentados de maneira obrigatoria. No caso de non facerse así, a inscrición será desestimada e os datos borrados de maneira inmediata. A cumprimentación do formulario implica a inscrición no concurso e a aceptación das bases do mesmo.

Pódense exercer os dereitos de acceso, rectificación, cancelación e oposición ante a Asociación Cultural e Deportiva Vella Escola por vía postal á dirección c/ Colombia, 6 5ªA · 15200 Noia (A Coruña) ou remitindo correo electrónico (desde a mesma dirección que se introduciu no formulario) á dirección info@vellaescola.com De acordo co establecido no Regulamento de desenvolvemento da Lei que resulte de aplicación, e no caso de que os participantes do concurso sexan menores de idade, a autorización para participar no concurso debe ser otorgada polos seus pais ou tutores. No presente caso, o tratamento dos datos debe ser expresamente autorizado por estos e, por ese motivo, solicítanse determinados datos da persoa que actúa en nome do/a menor. En caso necesario, tales datos serán obxecto de comprobación por parte da Asociación Vella Escola.

Concello do Porriño

C/ Antonio Palacios, 1, Porriño, O. 36400 (Pontevedra). Tfno. 986335000. Fax: 986330579



AUTORIZACIÓN A MENORES (DE NAI/PAI/TUTOR LEGAL)

Eu, con DNI.....
 autorizo ao meu fillo/a
 con DNI e data de nacemento, a participar no concurso
 de debuxo “IMPROVISDADO” organizado pola Asociación Cultural e Deportiva Vella Escola
 para o día de de en

Número de teléfono:

Coa sinatura da presente autorización, acepto expresamente na súa totalidade as bases do
 concurso, a política de Protección de Datos e a cesión da obra.

En, a de de

Nome e Sinatura:

POLÍTICA DE PRIVACIDADE

Aos efectos establecidos na Lei Orgánica de Protección de Datos, informámoslle que os datos recollidos a través do presente formulario serán incorporados a un ficheiro de datos de carácter persoal, denominado “IMPROVISDADO”, coa finalidade da realización das funcións necesarias para a xestión e tramitación correspondente do concurso “IMPROVISDADO”, tendo coma únicos destinatarios do mesmo os membros da ASOCIACIÓN VELLA ESCOLA e o Xurado, encargados da xestión do propio concurso e a selección dos finalistas, respectivamente.

Os datos contidos no formulario serán cumplimentados de maneira obrigatoria. No caso de non facerse así, a inscrición será desestimada e os datos borrados de maneira inmediata. A cumprimentación do formulario implica a inscrición no concurso e a aceptación das bases do mesmo.

Pódense exercer os dereitos de acceso, rectificación, cancelación e oposición ante a Asociación Cultural e Deportiva Vella Escola por vía postal á dirección c/ Colombia, 6 5ªA · 15200 Noia (A Coruña) ou remitindo correo electrónico (desde a mesma dirección que se introduciu no formulario) á dirección info@vellaescola.com De acordo co establecido no Regulamento de desenvolvemento da Lei que resulte de aplicación, e no caso de que os participantes do concurso sexan menores de idade, a autorización para participar no concurso debe ser otorgada polos seus pais ou tutores. No presente caso, o tratamento dos datos debe ser expresamente autorizado por estes e, por ese motivo, solicítanse determinados datos da persoa que actúa en nome do/a menor. En caso necesario, tales datos serán obxecto de comprobación por parte da Asociación Vella Escola.

Concello do Porriño

C/ Antonio Palacios, 1, Porriño, O. 36400 (Pontevedra). Tfno. 986335000. Fax: 986330579